



Broj: 16-12-16-2-4973- 7 /16
I. Sarajevo, 30.09 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g), i člana 70. st. (1), (2), (3), i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2016. godini, broj 16-12-16-2-4973/16 od 28.09.2016. godine, u postupku javne nabavke rezervnih dijelova sa uslugom ugradnje, popravke i održavanja službenih vozila Državne agencije za istrage i zaštitu na području Banja Luke, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u otvorenom postupku za dostavljanje ponuda za javnu nabavku rezervnih dijelova sa uslugom ugradnje, popravke i održavanja službenih vozila Državne agencije za istrage i zaštitu na području Banja Luke

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2016. godini broj 16-12-16-2-4973/16 od 28.09.2016. godine, u otvorenom postupku za dostavljanje ponuda za javnu nabavku rezervnih dijelova sa uslugom ugradnje, popravke i održavanja službenih vozila Državne agencije za istrage i zaštitu na području Banja Luke i okvirni sporazum za period od dvije godine dodjeljuje se ponuđaču „Autoservis i dijelovi“ d.o.o. Banja Luka, ponuda broj 16-12-16-2-4973-4/16 od 16.09.2016. godine, za ponudenu cijenu od 27.651,00 KM bez uračunatog PDV-a.

Član 2.

Ponuđač iz člana 1. ove odluke obavezan je ugovornom organu u roku od pet dana od dana prijema ove odluke dostaviti dokaze o ispunjavanju uslova iz tač. 12.1.a), 12.1.b), 12.1.c), 12.1.d) i 13.2. Tenderske dokumentacije. Dokazi se dostavljaju u originalu ili ovjerenoj kopiji i nemogu biti stariji od tri mjeseca, računajući od momenta predaje ponude.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-2-4973-1/16 od 04.08.2016. godine pokrenut je postupak javne nabavke rezervnih dijelova sa uslugom ugradnje, popravke i održavanja motornih vozila marke Volkswagen, Škoda, Renault, Fiat, Citroën, Ford, Mitsubishi i Lada na području Banja Luke, a za potrebe Agencije na period od dvije godine, putem otvorenog postupka, za koji je obavještenje o javnoj nabavci objavljeno na Portalu javnih nabavki broj 1161-1-1-683-3-49/16 od 26.08.2016. godine i u „Službenom glasniku BiH“, broj 65/16. Procijenjena vrijednost javne nabavke je 30.000,00 KM bez uračunatog PDV-a, a za što su novčana sredstva obezbijedena u okviru budžetskih sredstava za 2016. godinu i Dokumenta okvirnog budžeta 2016.-2018. godina.

Komisija I za nabavke za potrebe Agencije u 2016. godini (u daljem tekstu: Komisija) dostavila je Izvještaj o radu broj 16-12-16-2-4973/16 od 28.09.2016. godine sa preporukom o izboru najpovoljnijeg ponuđača u postupku javne nabavke rezervnih dijelova sa uslugom ugradnje, popravke i održavanja službenih vozila Agencije na području Banja Luke.

Obzirom da je tačkom 24. Tenderske dokumentacije navedeno da je rok za dostavljanje ponuda 16.09.2016. godine do 12,00 sati, to je Komisija dana 16.09.2016. godine u 13,00 sati izvršila javno otvaranje ponuda prema datumu i vremenu prijema.

Blagovremeno su dostavljene dvije ponude i to:

Redni broj	Naziv ponuđača	Vrijednost ponude (bez PDV-a)
1.	„Autoservis i dijelovi“ d.o.o. Banja Luka	27.651,00 KM
2.	„Autokomerc V.S.“ d.o.o. Banja Luka	45.762,62 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Uvidom u sadržaj dostavljenih ponuda Komisija je utvrdila da ponuđač: „Autoservis i dijelovi“ d.o.o. Banja Luka ispunjava kvalifikacione uslove iz Tenderske dokumentacije u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničke i profesionalne sposobnosti, kao i formalno pravne uslove, dok ponuđač „Autokomerc V.S.“ d.o.o. Banja Luka ne ispunjava kvalifikacione uslove iz Tenderske dokumentacije.

Uvidom u ponudu ponuđača „Autokomerc V.S.“ d.o.o. Banja Luka, Komisija je utvrdila da ne ispunjava uslove iz tačke 13.2. Tenderske dokumentacije koja se odnosi ekonomsku i finansijsku sposobnost. Naime, ponuđač uz izjavu o ispunjenosti uslova iz navedene tačke nije kao dokaz dostavio potvrdu-izvještaj o računima pravne osobe iz Jedininstvenog registra transakcijskih računa u Bosni i Hercegovini izdatu od strane Centralne banke Bosne i Hercegovine ili potvrdu izdatu od strane poslovne, komercijalne banke certificirane za izdavanje takve potvrde-izvještaja isključivo na obrascu Centralne banke Bosne i Hercegovine, da računi nisu blokirani. Naime, ponuđač „Autokomerc V.S.“ d.o.o. Banja Luka kao dokaz ekonomske i finansijske sposobnosti iz tačke 13.2. Tenderske dokumentacije dostavio je potvrdu „Sberbank“ a.d. Banja Luka broj 1200-41-1527/16 od 16.08.2016. godine,

koja je izdata na vlastitom obrascu navedene banke, a ne na Obrascu Centralne banke Bosne i Hercegovine kako je traženo.

Također, Komisija je utvrdila da ponuđač „Autokomerc V.S.“ d.o.o. Banja Luka ne ispunjava kvalifikacione uslove iz tačke 13.3. pod c) Tenderske dokumentacije. Naime, navedenom tačkom traženo je da ponuđači između ostalog dostave izjavu o angažovanom osoblju da raspolažu sa najmanje dva automehaničara koji će raditi na realizaciji ugovora, a koji imaju najmanje KV školsku spremu, te da dostave i ovjerene kopije diploma za navedene mehaničare. Uvidom u ponudu navedenog ponuđača, Komisija je utvrdila da je isti dostavio kopije diploma koje nisu ovjerene od strane nadležnog organa.

Cijeneći naprijed navedeno ponuda ponuđača: „Autokomerc V.S.“ d.o.o. Banja Luka nije dalje razmatrana niti vrednovana.

Nakon pregledanja dokumentacije priložene uz dostavljene ponude, Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene tehnički zadovoljavajuće ponude iz tačke 20. Tenderske dokumentacije, kako slijedi:

Redni broj	Naziv ponuđača	Vrijednost ponude (bez PDV-a)
1.	„Autoservis i dijelovi“ d.o.o. Banja Luka	27.651,00 KM

Nakon provedenog postupka ocjenjivanja, Komisija je utvrdila da je ponuda ponuđača „Autoservis i dijelovi“ d.o.o. Banja Luka prihvatljiva, da ista ne premašuje procijenjenu vrijednost javne nabavke i ne podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se predmetni okvirni sporazum za period od dvije godine dodijeli ponuđaču „Autoservis i dijelovi“ d.o.o. Banja Luka, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

